



~~C 8288~~

Ud 5360

Biblioteka Jagiellońska



stdr0007433



- 1,
- 2, *Epitaphia Cphi. Mozzinii* a Kurozowski.
- 3, *Dreuer*, Christoph. Radziwil.
- 4, *Bursius*, *Oratio funebris*.
- 5, *Tacchellus*, *Feralis pompa in funere A. Corvini*.
- 6, *Scemek*, Andr. *Lepedipoxi*.
- 7, *Tacchellus*, idem g. no. 5.
- 8, Ch. de *Chaluz Chalucky*.
- 9, *Cornelius*, *Spiegel Gütten Obigkait*.

E P I T A P H I A  
 G E N E R O S I A D O -

LESCENTIS, D. CHRISTOPHORI  
 MECZINII à KVROZVVEKI HÆREDIS IN  
 KLVVOVV, &c. Poloni, partim à quibusdam cla-  
 rissimis viris partim ab aliis eius  
 amicis scripta.

Cum præfatione ADAMI THOBOLII.

A D

Generosum & magnificum Dominum, D. ANDREAM  
 MECZINIUM à KVROZVVEKI, Castellanium  
 Velunensem, Senatorem regni Poloniae  
 prudentiss. & Brzeznuiciensem  
 Capitaneum, &c.



ARGENTORATI,

Excudebat Antonius Bertramus, Anno  
 M. D. XC.



## INDEX EPISTOLARVM.

- I. Prefatio Adami Thobolij, ad Generosum & Magn. D. D. Andr. Mec-  
zinski, Castellani VVelunensem.
- II. Epistola ad Adamum Thobolium, D. Melchioris Iunij Rectoris Acade-  
mie Argentin.
- III. Epistola Clariss. viri D. Dionysij Gothefredi I. C. ad eundem Tho-  
bolium.

### IN ROSAE INSIGNIA.

Hendecasyllabi, Domini Petri Broderodij, Iuris Vtriusq. Doctoris.

### EPITAPHIORVM.

- I. Henrici Stephani, tria Epitaphia, quibus praefixa est Epistola ad  
Thobolium.
- II. M. Philippi Glaseri, Decani & Professoris Argent. Academiae.
- III. M. Iosephi Langij, tertia Decuria Praeceptoris.
- IIII. Amandi Polani a Polansdorff.
- V. Generoso- { Dn. Nicolai Latalij, &c.
- VI. rum. { D. Abrahami Zhascij.
- VII. { D. Christophori Drohoiouij.
- VIII. { D. Stanislai Latalij.
- IX. Christiani Brunonis.
- X. Iohannis Decij, Vngari.
- XI. Iohannis Turnouij Poloni.
- XII. Iohannis Rhormanni Transyluani.
- XIII. Philippi VValdeckeri Eccloga.
- XIIII. Andrea VVoidauij Poloni.
- XV. Adami Thobolij.

## GENEROSO ET MAGNIFICO DOMINO, D. ANDREAE


MECZINSKI, A KVROZVVEKI CASTELLANO

VVelunensi, Regni Polonia Senatori Prudentissimo,

Brzezniensiq. Capitano: &c. Domino  
meo clementissimo.

ADAMVS THOBOLIVS

& P. D.



Vatuor res sunt, Magnifice Domine  
MECZINSKI, VVelunensis Castellane  
prudentissime: quae nos ad externos  
studiorum gratia ablegatos, magno-  
pere sollicitos, & perturbatos red-  
dunt: Hominum malignitas: Sumptuum difficultas,  
Morborum vis; & Mortis necessitas.

Harum priores duae, cum hominum prudentia  
regantur, industria quadam & sagacitate, eas aut an-  
teuertimus, aut auertimus. Duae posteriores, solius  
omnipotentis DEI voluntate, ac nutu, reguntur &  
gubernantur: Morbis quidem occurrimus aliquan-  
diu, moderatione victus & temperantia: auertimus  
consilio & auxilio prudentis medici: at Mortem nul-  
la vel prece vel precio à nostris depellere ceruicibus  
valemus.

A 2

valemus.



valemus. Hoc scilicet peccati stipendium Dominus nobis imposuit; hoc omnes nos, subire necesse est.

Prudentis est casibus aduersis occurrere: at mortem vbiuis, omni momento, non expectare, impii. Prudentis est, aduersos deuotare casus: at impudentis, suo plus iudicio & industria, quam Dei Decreto tribuere: qui hoc medio in suas nos euocat sedes: Id qui non cernit, non hominem se natum esse ponderat probe: sed contra Dei voluntatem impie & improbe obloquitur. In tali igitur casu cum omnes subsistamus: quid nos facere deceat, nihil possumus providere: nihil dicere amplius, nisi, vt cum ignoremus, quo vita nostra tendat: hoc solum praesidium in nostro cursu statuamus, vt nostrum Stare & Cadere, in Dei manibus reponamus.

Et quanquam, in decursu totius prioris anni, acerbitas nulla magnopere, per Dei gratiam, nos percussit: sola tamen Mors, contra nostram curam, contra solitudinem omnem, CHRISTOPHORVM MECZINIVM, adolescentem Nobilissimum, Fratrem tuum eripuit: in lucum nos deturbauit: in mœrore deposuit incredibili.

Credo ego omnino: te Generose Domine, cum tuis omnibus, non minus mœrere, quam nos doleamus: sed quia nostrum quilibet ipse dolorem sentit: quantus mœror vester sit, aestimamus facile: sentire, ut ipsi

ut ipsi nostrum sentimus, omnino non poterimus. Sed hoc quicquid sit, ego virtuti optimi adolescentis tribuo: qui nisi singularibus praeditus virtutibus fuisset, optimamque spem de se nobis reliquisset: non in tanto luctu, atque mœstitia, versaremur.

Vellem nunc, de nobilissimi huius adolescentis laudibus, dicere vberius: si id Epistola pateretur. Si enim de parentum eius, ac Maiorum splendore & celebritate, aliisque vitae ornamentis: si de ingenii praestantia, si de pietate, & modestia, ceterisque virtutibus animi, ordine esset dicendum: amplissima sanè & redundans, ad non Epistolam contexendam, sed orationem conficiendam materia mihi sese offerret.

Etenim Generose Domine, quis adeo ignarus, celebrium Familiarum, in potentissimo Poloniae Regno est, qui non aut fama acceperit, aut ipse cognouerit, quam vetus & celebris familia MECZINIORVM in Polonia sit? quàm Pater ALBERTVS MECZINIVS, Diuinæ memoriae, nostri CHRISTOPHORI, idemque tuus & consilio in toga & auctoritate in bello valuerit? Nemini ignotum est, quanta prudentia, fortitudine, solertia, pro Reipub. salute, in publicis sapè consultationibus & iudiciis dixerit: quibus successibus, omnia quae recta & iusta erant ad exitum perduxerit. Mater vero ipsa, an non tali pietate, tali indole, tali virtute foemina extitit, qualem esse



esse antiquissima, & nobilissima SZAMOTVLIORVM,  
familia, prognatam decebat? Quanquam autem  
Christophorus noster, puer adhuc, orbatus hūce fu-  
erit parentibus Generosissimis & charissimis: tamē  
ad te Magnifice Domine, eius Tutella deuoluta, ita  
educatus atq; institutus, vt breui temporis spatio,  
tantos cum in pietate tum bonis literis progressus  
fecerit, quantos ætas hæc exposcebat. Atq; ea quoq;  
de causa cum Generosissimis, summæq; expectationis  
adolescentibus studiorum focis, Nicolao & Stanis-  
lao Lataliis, Abrahamo Zbaszio, & Christophoro  
Drohoiovvio, Christophorus noster, huc Argenti-  
nam, sub meo Regimine & contubernio pari, abs te  
missus est. In qua vrbe, à Professoribus doctissimis  
& amicis obseruandis, ac in primis à Magnifico Do-  
mino Melchiore Iunio, Rectore huius Inclytæ Aca-  
demix, ita sumus excepti, & tractati humaniter, vt  
ad perpetuam eorum obseruatiā, omnino nos de-  
uinctos, obligatosq; intelligamus.

Quorum equidem animos nec dum aduersus nos  
immutatos experimur: & vero, Christophori Menc-  
zinii memoriam, in posterum quoq; hūc cōseruatum  
iri confidimus. Meruit enim id non solum nominis  
Familiæq; celebritate: sed etiam propria virtute &  
industria singulari. Siquidem & naturæ bonitate,  
quam ex nobilissimis parentibus hauserat, & eximia  
quadam

quadam præstantiq; diligētia, atq; cura, eo peruenire  
cupiebat, quo ii perueniunt, qui ad patriæ vtilitatem  
natos sese esse quotidie considerant. Ideoq; nobis o-  
mnibus qui eum familiariter noueramus, fuit charis-  
simus. Nam & bonarum artium fundamenta, breui  
temporis interuallo, fœliciter iecerat: & sæpe dulci  
mellitoq; consortio prætermisso, otio etiam cōcesso,  
à librorum complexu agrè admodū diuelli poterat.  
Proinde vixit ille nobiscum annis quidem adolescēs,  
at moribus, & sermone, & factis vir, aut senex potius:  
vixit sic, vt per breui curriculo, omnes humanæ vitæ  
absoluissē partes videretur. Ceterum diuinarū quoq;  
rerum & relligionis studia addidit: cuius desiderio,  
ita tandem accendebatur, vt omnia quæ ceteri mor-  
tales, in terris laudant, mirantur, exoptant, ipse præ  
pietate, nihili faceret, aspernaretur, cōtemneret, mor-  
tis in agone, vt verè dicere posset, quod dixit, Domi-  
no se vixisse, Domino moriturum.

Veruntamen, qualis tandem cunq; ille fuerit, fatali  
necessitate hūc Argentinæ cum luctu & dolore nostrū  
omnium, nobis ereptus est. Quamuis enim sciamus,  
ea ipsum natum lege fuisse, vt ex humanis iterum de-  
cederet: tamen lucis huius vsuram diuturniorem ei  
optassem: quò, præsidio Ecclesiæ DEI, vsui patriæ,  
tibi, toti q; familiæ ornamento futurum, summa tui  
cum oblectatione, ad te reducere potuissē. Et hanc  
ipsam



ipsam ob causam, nec sollicitudini, nec ulli curæ per-  
perci, in eo conseruando: sed frustra: Mortis enim  
dies aderat, cui nos omnes debemur: qua nihil, vti  
dicitur, certius, vti nihil incertius eiusdem esse hora  
solet.

Enimuerò mortem quoq; **I E S V S C H R I S T V S D E I**  
& Mariæ Filius, Dominus noster, qui nullum vn-  
quam admisit delictum, gustauit, vt nos æterna libe-  
raret morte, quam nos delictis nostris fueramus pro-  
meriti. Et omnes dilecti **D E I** debitum mortis per-  
soluerunt: non eam, quamuis fidelis, Abrahamus cui-  
tauit: non Moses, licet solus ad Arcana **D E I** accessum  
habuerit: non Dauid ille vir secundum cor **D E I**, non  
Baptista Ioannes, quamuis inter natos ex mulieribus  
sanctissimus fuerit: quin etiam Maria ipsa, cum aliis  
nominibus, tum perpetuæ virginitati titulo insignis,  
peccati stipendium, homo nata, persoluit. Idem sub-  
ierunt fatum Apostoli, ac cæteri amici **D E I** fidissimi.  
atq; sic cœlestem sedem attigerunt.

Sichabet Christophorus noster, sic & nos habi-  
turi sumus, excellentissimos & sanctissimos vltimæ  
peregrinationis comites: nec est, cur nos meliorem  
expetamus fortunam, illis qui animo cupido ex hac  
vita exceßerunt: nec virium nostrarum est, recusare,  
eam ingredi fati semitam, quam omnes inire sancti,  
ab exordio mundi, non fuerint grauati.

Itaq;

Itaq; non grauatur sed libenter ex hac quasi custo-  
dia Christophorus noster abiit. Ex miseria & cala-  
mitate, ad solidum gaudium; ex discordia, ad æter-  
nam concordiam: ex periculis, ad securitatem: ex tene-  
bris, ad veram lucem: ex hominum conuersatione  
tristi, ad latum Angelorum consortium, translatus  
est: abiit latus, ex his miseriis, ad æterna solatia: ab-  
iit ad piorum cœtus, quorum animæ beatorum cō-  
sortio fruuntur. Argentina deposuit corporis ex-  
uias: Argentina apud Sanctum Gallum humatus  
est: Spiritus ad beatorum sedem emigravit.

Agit autē vna nobiscum gratias: & merito quidē  
agit, tot præstantissimis hominibus, Nobilissimis  
Viris, Illustrissimorū Principum, Marchionis Bran-  
deburgensis & Brunsvicensium, ac Lunaburgensium  
Ducum, Aulicis: agit Illustribus Comitibus, & Ge-  
nerosissimis Dominis Baronibus: agit Nobilitati  
vniuersæ: agit Reuerendissimis & clarissimis Do-  
minis Pastoribus, & Ecclesiæ Ministris, & toti Cle-  
rō: agit Magnifico D. Rectori, omnibus Professo-  
ribus ac Præceptoribus colendis: agit numero-  
so atq; ornatissimo cœtui Scholastico, inclytæ huius  
Academiæ: qui ad funeris exequias cohonestandas,  
frequentes conuenerunt: fatetur & testatur, perpe-  
tuum amorem, studium & obseruantiam erga singu-  
B los:



los: hoc etiam nomine, vobis omnibus foelicem rerum successum, huic vero Academiae, atque urbi incrementa, exoptat ac precatur perpetua.

Tibi vero Generoso Domino Andreae Meczinski, Castellano Welunenfi: tibi Alberto Meczinio, utriusque Fratri germano, & vobis patruelibus Iohanni & Nicolao, Vale, ultimum dixit: vobisque Zophiae & Barbarae, sororibus pientissimis & nobilissimis, ac Generosis suis amicis, & Affinibus vniuersis, bene esse, & esse diu cupit, omnia optat ea, quibus vitae cum huius tum futurae, felicitas assumatur.

Tuam vero, in primis, Magnifice Domine Andrea, tuam inquam, plusquam fraternam animi propensionem celebrat, proque Tutoria cura, immensas agit gratias, qui in eo educando, sumptibus liberalissimis, sollicitudinem, & curam nunquam deposueris. Et quia iam referenda gratia, par in his terris, non est, tuam hanc de se tuendo & conseruando, Tutoriam auctoritatem, plusquam Paternam, ad coelestem patriam deportat, precaturque ut summus ille Deus, te & tuos omnes, in hac vita, florentes & saluos, quam diutissime conseruare dignetur. Rogat vero, ne hanc sibi inuideas, sedis mutationem, non se amissum ait, sed praemissum: Fiet, inquit, breui, ut ad coelestem hanc patriam, laeti & triumphantes deducamini. Erit tibi Anaxagorae responsio commendata, qui accepto  
de fi-

de filii morte nuntio: Hoc non nouum respondit, apud me est: semper enim sciui me mortalem genuisse: & quod Paulus, electum illud vas Dei Thessalonicensibus inculcauit diligenter, ne essent inscii, eorum qui obdormierint, & crediderint, quod Iesus mortuus sit & surrexit, quod sic omnes, Deus, qui per Christum mortui sunt, excitaturus sit.

Abrahamus vnicum filium, paratus erat, immolare: ut promissionem vitae aeternae consequeretur: & quid igitur obstat? quominus & nos Deo lubentes offeramur, quandoquidem piorum gaudiis certo associabimur, miseria humana eximemur, & aeterna beatitudine fruemur. Praclare Syracides: memor, inquit, esto, iudicii mei, sic enim erit tuum, mihi heri et tibi hodie: praclare & David, ieiunabat, & continue orabat aegrotante filio; sed eodem ex hominibus abrepto, quia sciebat, eum amplius reuocari ad se non posse, ad ipsum potius iter parabat. Habemus ergo exempla, certioris patriae nostrae: habemus huiusce vitae, exigui curriculi documenta manifesta. Quod restat, nostrum est videre, quemadmodum nos, ad iter hoc preparamus, atque ut directa via ad optatum, sempiternae salutis portum perueniamus.

Sed ne Epistolae prolixitate, terminos praetergrediar, receptui canam, & quid fieri placuerit, in huius limine repetam. Placuit autem doctissimis Viris &



Præceptoribus obseruandis: placuit amicis: placuit  
& mihi efficere, ne dum Christophorus moritur, eius  
quoque nomen morte ipsa oblitteraretur: placuit, in-  
quam, defuncti virtutes, quas viui amaueramus ce-  
lebrare: ac simul huiusmodi officio, quasi pietatis sar-  
cinas, parare, quas confirmati, spe vitæ sempiternæ,  
idem ter ingressuri, ceu fidei nostræ effecta, colligare  
oportet, quam plurimas.

Leges ergo ab amicis scripta pauca hæc, & leges  
eo vultu, quò viuum loquentem tecum cuperes: nec  
te Christophori Manes magis oblectent oportet:  
quàm olim ipse oblectabatur, cum tecum viueret.  
Cogitabis nihil accidisse ipsi, quod non præsciueris  
antea, & me ita cum tuis dimisisses omnibus: vt tuum  
hoc porisma mecum etiam extra limina patriæ de-  
ferrem: fati necessitatem, perennem dedisse naturam,  
nec à quoquam, temporum vel locorum interuallo,  
vllis prorogare terminis: vel vt non falsus Seneca,  
ait: Vnum omnibus nobis finem naturam, vel ferro  
septis statuiffe. Frustra ergo miselli fugiemus mor-  
tem, quos vita fugit quotidie: custodienda potius, &  
dispensanda, vt mancipi, vt non propria. Frustra æ-  
rumnas declinamus, quos mors & sollicitudo sequi-  
tur perpetua, Ambitio ipsa & Auaritia: consilia frau-  
dulenta, fallax fortuna, fides fluxa, spes vana, quies  
incerta, fucata virtus, fama inanis, quærimonia &  
dolor,

dolor, Mors denique, donec homines. Hic finem  
Epistolæ facerem, nisi ipse Christophorus, in limine  
huius, te alloqui sit paratus, quem tu, vt spero, audi-  
re, non grauaberis:

*Rebus in humanis, quàm fas sit fidere rebus,*

*Quàm properet tacito, Mors inopina gradu.*

*Exemplo disces nostri: nec tristia fata,*

*Aut genere aut opibus, effugienda putes.*

*En ego MECZINIVS genuit quem SARMATIS ora,*

*ARGYROPEs meanunc, contegit ossa solum.*

*Scilicet vt nudus vitales nascor in auras,*

*Tunc vitæ scripta est, hora locusq; mea.*

*Sic Orbes currunt: Vita est obnoxia morti:*

*Me cito: te sero vespere nauta vehet.*

*Ergo si tentas, fatis me abducere amice,*

*Ignoras quàm nos vincere fata queunt.*

*Quin potius tristi fletu, lachrimisq; remissis*

*Dic modò, defuncti molliter ossa cubent.*

*En, Iudex cum aderit CHRISTVS super æthera, cernam*

*Te rursus celi letus in arce. Vale.*

Hoc decretum Diuinum, & vitæ humanæ for-  
tem te egregiè nosse scio: sed & vitæ momenta ex-  
pendis altius, & Christophori regressum, sed glo-  
riosum illum & latitiæ plenum rectè & piè, expectas.




Nos verò peregrinabimur interea, & militabimus  
breui hoc vitæ spacio, vt Christi victoria obfirmati,  
tandem Pacem consequamur, & sedem illam opta-  
tam occupemus, qualem nec auris audiuit, nec in cor  
hominis ascendit. Vale iterum iterumq̃, Magne  
Vir, Andrea Meciznski, Domine clementiss: Da-  
tæ Argentinæ 22. Octobr. Anno 1590.

T. M.

deditissimus S.

*Adamus Thobolius.*

RECTOR ACADEMIAE ARGEN-  
tinenfis, MELCHIOR IUNIUS Witebergenfis:  
Studiofis Adolescentibus S.P.D.

 *Q*uia varia peregrinatores omnes fortuna  
vtuntur: tum difficilem, miseram, afflictamq̃  
eandem illi potissimum experiuntur: qui, non  
quæstus ac lucri, non præconi, non legationis, non alterius  
alicuius causa, sed studiorum gratia regiones longinquas  
adeunt: loca visu digna lustrant: miranda, vel artis, vel  
naturæ opera spectant: gentium obseruant leges: mores  
considerant: notant instituta: viros in Ecclesiis atq̃ Scho-  
lis doctos audiunt. Ablegantur enim plerumq̃ adolescen-  
tes, non rarò pueri: à dulcissimo parentum complexu auul-  
si, aliis quoque rebus abstracti, quibus capi ac deliniri pri-  
ma ætas solet: & itineribus bene longis ablegantur: Vbi  
asperitates sese multæ offerunt: non pauca pericula osten-  
dunt: morbi graues atque periculosi nascuntur: mors sæpe  
immatura ac præpropere reditum in patriam intercludit.  
Veruntamen in his idem quoque deprehenditur, quod de  
voluptate ac dolore in Phædone Plato scribit: & multis  
magnisq̃ in molestiis atq̃ difficultatibus allenamēta quædā  
DEVS concedit: suppeditat præceptores diligentes: sedu-  
los, industrios: comites dat fidos ac incundos: curatores, &  
corporis, & animæ largitur peritos: hospites commodos  
subministrat: suggerit alia necessaria. Etiam cum ex homi-  
nibus



nibus inter peregrinos abeundum: Spiritu suo Sancto ita  
munus tales & confirmat: ut de sui gremio matrum se-  
derent, infractis, erectis, excelsis animis hanc cum morte  
vitam commutent. Quod & nobili adolescēti CHRISTO-  
PHORO MECZINIO à KUROZVVEKI contigit: qui  
studiorum gratia hāc in Academiam missus diſſenteria pe-  
rigit. Ante enim menses undecim ex Polonia huc ille venit:  
familia ortus nobili, locupleti, copiosa, præclare de Repub.  
maximè verò Ecclesia merita: & de consilio huc venit  
fratris Generosi ac Magnifici D. ANDRÆA MECZI-  
NII: Senatoris Regni Poloniae prudentissimi: Castellani  
VVelunensis: Capitanei Brzezniciensis: Academiae huius  
summi fautoris. Difficultates in itinere haud exiguas exor-  
buit: in morbum hic grauem incidit, qui & vitæ huius ei-  
dem finem attulit. Sed præpotentis idem Dei benignita-  
tem est ac clementiam singularem expertus: cum ornatissi-  
mum & doctissimum virum D. ADAMVM THOBO-  
LIVM studiorum præfectū est naetus: qui, ut semper aliās,  
ita hoc in morbo, cura, fide, diligentia, non præceptor, sed  
parens extitit: commilitones ac contubernales habuit Ge-  
nerosos quatuor: NICOLAVM & STANISLAVM LA-  
TALIOS: ABRAHAMVM ZBASCIVM & CHRI-  
STOPHORVM DROHOIOVIVM: inuenit peritos &  
industrios Medicos: Theologos: synceros: hospitē prom-  
ptum: parata atque expedita cætera: animam denique in  
vera Seruatoris nostri CHRISTI inuocatione efflauit.

Quæ

Quæ huic contigisse omnia minimè mirabuntur, quibus co-  
gnitus iste adolescens fuit. Non enim, quod laruati quidam  
Studioſi faciunt, aut fortunis elatus, aut prauis corruptus  
ſodalitijs, præceptores ille ſuos contempſit: tranſuerſo pæ-  
dagogum humero aſpexit: officium facientes adoleſcentes  
alios, ut vulpeculas in cauernis latitantes ſcholasticos riſit:  
viam ad Scholam ducentem ignorauit: quæſiuit cauponu-  
las, thermopolia, nymphæa, ſphæriſteria, palæſtras: ſed id:  
cuius huc miſſus gratia erat, ardēti atq; alacri ſtudio pere-  
git: pietatis amans: cupidus legum ac diſciplinæ: præcepto-  
rum obſeruans extitit: nuncium omnibus ijs remiſit: quæ  
DEVM offendere: mærore afficere parentes: excruciare  
præceptores: vitam deformare Academicam cōſueuerunt.  
Itaque ad imitandum hunc ſibi omnes ij proponunt: qui,  
quod parentibus, quod familie, quod patriæ, quod denique  
ipſi DEO debent, perſoluere: felicem quoque aliquando &  
pacatum vitæ huius exitum conſequi cupiunt. Sed & ei-  
dem, cum multis alijs, tum hiſce potiſſimum nominibus ho-  
nos poſtremus funeris deductione frequenti exhibendus eſt.  
Efferetur autem hodie hora tertia ex ædibus Generoſi D.  
Comitis ARNOLDI à MANDERSCHIED, Fratrum  
Curia, vicinis. Valet Argentina IIII. Non. Sextil.  
Anno recuperatæ per CHRISTVM ſalutis M. D. XC.

C ORNA-



ORNATISSIMO DOCTISSIMO

QUE VIRO D. ADAMO THOBOLIO,  
amico suo optatissimo, Melchior Iunius,  
Argentinenſis Academiae  
Rector, S. P. D.



*VM* in Generosi tui discipuli, D. CHRISTOPHORI MECZINII à KUROZVVEKI nuper funere mœstitiam ac consternationem ego tuam grauem, alumnorum disciplinae tuae atque popularium luctum ingentem viderem: simul quoque cogitarem, quantæ & indolis, & familiae morte hac abreptus præpropere adolescens esset: peracrem acerbumq; doloris morsum sensi: ad Illustrissimorum itidem, Illustrium, Generosorum, Nobilium eorum animum meum memoriam reuocaui, qui aliquot iam apud nos, studiorum gratia, annis vixerunt: atque ita vixerunt, vt desiderio suorum nemine, salui ipsi & incolumes nobilissimum ac potentissimum in Poloniae regnū, patriam suam, redierint.

Dignam suā præsentia Scholam nostram iudicauit Illustrissimus Princeps ac Dominus, D. Christophorus Nicolaus Radziul, de Nieswiez & Olyca, Trocensis Palatinus: vna cum Generosissimo & Magnificentissimo D. CHRISTOPHORO, non minus antiquissima illustrissimaque Zborouiorum familia claro: quam doctrina, prudentia, rei q; militaris peritia celebri.

Fuit in eadem Generosus D. D. Georgius, Dominus  
de

de Latalice & Labischin, Posnaniensis Palatinaris, ante in Gallias quàm iret: & post ex aula Henrici II Regis, in Germaniam reuersus, clarissimum virum, communem nostrum Præceptorē, D. Sturmium, cæterosq; Scholæ professores clementer salutauit. Eius adhuc summa cum obseruantia apud nos memoria seruatur: vt & grata iuncundaq; epistola est illa, quam de eiusdē tum adolescentis virtutibus heroicis ad Ioachimū Camerarium D. Sturmius scripsit.

Studiorum apud nos est causa aliquandiu commoratus Generosus D. Ioannes Drohoiuius, Sanocensis Castellanus, regniq; Senator prudentissimus ac literatissimus: qui quàm, etiam nū, nostram sit in Academiam animatus egregiè, velleo testatum abundè fecit, quòd, vt Generosus D. Latalius secundò suos huc filios misit, ita fratrem hic germanum Christophorum, adolescentem egregio ingenio, pietate eximia, virtutibus præditum alijs singularibus, ablegare tecum voluit.

Vidit Generosos plurimos alios nostra Academia: D. D. Ioānem & Nicolaum Ostroroganos comites: cum nobilissimo prudentissimog; viro, D. Mileiouiō, morum præfecto, & præceptore Ioanne Iona Morauo, homine literatissimo. Vidit Firleios, Sieninios, Crotouios, Gostomios, Chlebouicios, Boneros, Sieniauios, Misconios, Ossolynios, Narussouicios, Czizouios, Samotulios, Plasas, Zelenios, Goluchouios, Czerninos, Goraios, Volouicios, Vidauios,



Lutomirios, Sienicios, & alios quamplurimos nunc in  
vestro Poloniae regno, Procures primarios, & prudentis-  
simos. Vidit nuper Generosum D. Sendinogium Comitem  
Ostroganum, & eiusdem adhuc videt fratres Generosos  
D. D. Stanislaum & Ioannem Iacobum, cum verè litera-  
tos, tum literatorum amantissimos.

Etiam tu, doctissime D. THOBOLI, amice optatissi-  
me, saepe ad nos feliciter ex Illustri, generosa atq; nobili  
iuuentute adolescentes duxisti non paucos, quorum patria  
nunc inclita consilijs auxilijsq; utitur. Ante quoque an-  
num, gratus cum primis acceptusq; nostram in urbem ve-  
nisti cum generosis summaq; spei praeclarae, & virtutis, &  
doctrinae adolescentibus Dominis, D. Nicolao & Sta-  
nislao Latalijs: Abrahamo Sbaschio: Christophoro Dro-  
boiuio, & Christophoro Meczinio: in quibus instituendis  
talem te praestas, qualem exhibere ante semper es solitus:  
virum scilicet bonum: moderatorem grauem: praceptorem  
doctum, fidum, industrium.

Primo hic tibi postremus est fato abreptus D. Meczi-  
nius: non medicorum à morte liberare eumq; peritia, fides,  
diligentia: non seruare tua verè paterna cura atq; sollicitudo  
valuit: Viuis in angore hinc animiq; cruciatu maximo.  
Neq; fieri vllò posse modo intelligo, quin nuncio hoc tri-  
stissimo domum allato, Vir ille de Ecclesia Reg. publica  
meritus praeclare, Generosus D. Andreas Meczinus,  
Velunensis Castellanus, & Senator Regius amplissimus,  
ingentibus doloris facibus incendatur: discrucietur itidem

eiusdem frater Generosus D. Albertus cum affinibus san-  
guineq; iunctis aliis: maxime si & ad aetatem respicere: &  
ingenij considerare praestantiam: & virtutes praecellentes  
ponderare voluerint.

Veruntamen sciunt illi, quod & tu non ignoras; eam  
hic quam degimus vitam, nomine quidem vitam, re autem  
vera viam saltem ad vitam esse: habuisse eos fratrem ac  
cognatum, te discipulum, tanquam amissuros: amisisse se  
tanquam habituros aliquando: ea ipsum in vrbe ad vitam  
vocatam exitum fuisse, in qua, citra arrogantiam quod  
scripserim, nihil deesse illi potuerit eorum, quae cum ad ani-  
mi, tum corporis necessaria curam videntur. Ita deniq; pie  
ac sanctè ex hominibus eum abuisse nosti: ut se ac suos hac  
excedere è vita omnes boni optarent.

Quamobrem neq; illi, opinor, ægritudini sese totòs de-  
dent: neq; tu curis, querelis, lamentis te macerabis ac confi-  
cies: sed in eo potius occupatus eris: ut, quae in demortui  
sunt Generosi discipuli laudem atq; memoriam, nostra in  
Academia scripta, lucem aspicere, inq; hominum primo  
quoque tempore venire manus queant.

Ita fiet, ut ad cætera promerita tua Generosum tuum in  
discipulū profecta, magnus veluti cumulus accedat: ab obli-  
uione atq; interitu eiusdem memoria vindicetur: genero-  
sa Mecziniorum familia intelligat, pietatis, observantiae,  
hospitalitatis hac in vrbe atq; Academia, quantulacunq;  
officia suis minimè defuisse. Vale vir ornatissime ac do-  
ctissime, amice optatissime, Argentinae. &c. C 3



DIONYSIVS GOTHOFREDVS I. C.

Adamo Thobolio, amico singulari, S.

**T**hiliam, (Thoboli amantissime,) quidquam suppetit nobis aliud quod ipsi tibi perscribamus, præter sparsa nescio quæ, ita perturbata ac cōfusa, ut, si ea vera sint, amicos penè omnes, atq; in primis patriam longè charissimam exitio proximā esse putem. Hic nimirum curis meis familiaribus & domesticis miseriarum cumulus restabat, ut me superueniens alia atque alia exciperet sollicitudo. Ego cum animo ista, tanquam ex specula, prospecto, in luctus maximos incidere me necesse est: quo tanto planè conficerer mœrore, nisi vel fortia maximorum virorum, (& quidem veterum,) præcepta in gradu statūq; me retinerent, vel antea cœ feliciter vitæ meminisssem. Hac enim feliciū temporum ob oculos quasi subiectione atq; recordatione, præsentium quodammodo sollicitudines temperare ipse mihi sentio. Itaque, (ut id scias,) pingue illud otium lubens retracto, quod & à cælo & à cura magistratus sapientissimi, mihi ante aliquot annos contigisse, ipse testis es: & quidem præsens atque oculatissimus. Aderas enim tu nobis Hierapoli, cum selectissima nobilium Polonorum manu: quorum ingenuis, placidissimis & modestissimis moribus, (si quibus maxime) ciuitas tum nostra & Academia efflorebat. Aderant quoque inter multos alios generosissimus & nobilissimus  
Andreas

Andreas Crotonius, Petrus Goluchovius, Stanislaus Plaza, Petrus Grabscius, aliq; multi quorum memoriam tam mihi diuturnam fore prospicio, quàm victuras illorum virtutes confido. Quòd si anteriora etiam tempora repetere mihi licebit, tranquillitatis vera illa imago atque effigies mihi eodem momento occurreret, qualis apud nobilissimum Andream Leschinium multis mihi fuit mensibus. Hunc, constitutus iudex, nescias vtrum domestico an parto manu potius splendore magis commendes. Sed age, ij nunc sumus, qui non externis sed suis atque internis hominē æstimemus. Magnum equidem illi est, quòd ab illustri gente, longo stemmate, ortum se ac procreatū possit dicere: maius tamē quiddam illi ac proprium, quòd iam Tartari, Moschi, Turcæ eius validas manus & virtutem Heroicā sentiūt. Ad te tuosq; discipulos (mi Thoboli) iam descendam, quos diligentia ac fide summa sic instituere mihi videris, tanquā ad imperia (& quidem maxima,) natos. Par vtrisque vobis docendi discendiq; affectus est, ut cum fructu effectum optatissimum consequi sit necesse. Ordiam à tuo Abrahamo Zbaschio, cuius ingenium singulare vel in hoc sum maxime admiratus, quòd in promptu orationem non Latinam modo, sed & elegantem, (actione oratoris maximi semper cōservata) in nobilissimo clarissimorum virorum cœtū, me præsentē, habuerit. Quantum amicis, quantum patriæ fuerit ab illo adolescente benè sperandum, tantum honoris ac famæ accedere tibi video, qui tale ingenium ad miraculum  
vsque



usque excoluisti. Ad Nicolaum & Stanislaum Latalios  
 tuos, quod attinet, habes præstantia & singularia in illis  
 duobus adolescentibus ingenia: & ut vno verbo tibi di-  
 cam, Generosi fratris eorum Georgij minoris Comitis  
 Labiscani, verè germana. Quid amplius? In Droionio  
 tuo, potui (vel ipso ex vultu) nobilissimi vtriusque  
 Droionij adgnatum facile agnoscere, quos olim ad inte-  
 riorem usque notitiam perspectos, magnis apud vos ho-  
 noribus fungi partim ex te, partim ex alijs multis intel-  
 xi. Scio, iam desideras in illo grege tuorum ac numero,  
 CHRISTOPHORVM MECZINIUM: & eò quidem  
 affectu maiore quò tenerius illum dilexisti, quò denique  
 dotes ingenij eius admirabiles, tuæ disciplinæ auctiores  
 feceras, spem (scio) tu eam in nobilissimo adolescente cõ-  
 ceperas, quantam vix in vlllo eius ætatis alio. At tu nunc  
 cogita & quidem seriò, quantæ nobis (qui hîc viuimus)  
 perturbationes animorum: contrà verò, quàm illum alta  
 pax maneat. Nobis, nullæ nisi virtutis vmbra; solidæ ac  
 totæ virtutes, illi jam conspicuæ sunt. Denique illo nunc  
 est loco, in quo nulli nisi felici ac beato locus est. Grande  
 interea tibi solatium puta, tua neque incuria neque indi-  
 gentia perijsse, ut in quo spes omnium maximas animo  
 tuo conceperas, quem ætatis tuæ extremæ patronum spe-  
 rabas, quem abeuntem ex hac vita, animæ tuæ dimidio,  
 (si potuisses,) hisce in terris retinere paratus eras. Quæ  
 nisi tibi satisfacient omnia: age tu tandem Christophori  
 tui,

tui fratrem generosum Andream Meczinium tibi pro-  
 pone. Putasne virum fortissimum, Castellatum Velu-  
 nensem, regni senatorem integerrimum, ad exitum fra-  
 tris animo cõcidisse? Erras, si id censes. Nouit mortalis  
 mortalem perijsse. Et cui tandem bono illæ querelæ fuis-  
 sent? Quis naturæ ac diuino fato manum inuiciet? Siue vi-  
 uimus, siue morimur (Thoboli) eternam Dei legem sem-  
 per prospice, & quidem variè vtentis sua potestate.  
 Perijsse putas? Imò viuit; nisi tu à recepta familiæ Chri-  
 stianæ secta discessionem facias. Vide itaque ut à terra,  
 hoc est, ab affectionibus istis humanis, ad tui diuinam ac  
 cælestem partem ascendas. Nulli inibi sunt venti; omnia  
 serena. Deum ac diuina, nulla tui parte melius aspicias.  
 O te felicem, si te cogitationibus istis tradideris. Vale.  
 Basileæ. Vlt. Sept. 1590.

IN ROSAE INSIGNIA  
 GENEROSI ADOLESCENTIS  
 D. CHRISTOPHORI MECZINII, HÆREDIS  
 in Klvovv, Equitis Poloni: qui magno amicorum  
 dolore, & patriæ desiderio, Argentinæ in vera  
 pietate occubuit, 4. Augusti. Anno

1590.

H E N D E C A S T L L A B I



T flos falce tener cadit recisus,  
 Cum tellus vario decora cultu est:  
 Vt rosa Idalia sacrata Diuæ,

D

Aurora



*Aurora lachrymis rigata surgit  
 Promens purpureos amena vultus,  
 Spirans ambrosios odora fumos:  
 Mox Austri rapidis petita flabris,  
 Demittit caput, exuitq; cultus:  
 Sic insignia cui Rosa dederunt,  
 Ortu Meczinus potens auito,  
 Flos florum generosus, heu inuenta  
 Primo flore perit caditq; fatus.  
 Heu quantum Charites nouemq; Musa  
 Virtutumq; capit chorus doloris.  
 Nec non Thobolus pi Magister  
 Vsu discipuli ingemiscit orbis:  
 Quem Virtute Fideq; Literisq;  
 Quam morum probitate singulari  
 Cultum, plus oculis suis amabat.  
 O curas hominum nimis fugaces:  
 En sub flore cadit virentis aui,  
 Dignus Nestoreos videre canos.  
 Verum haud occidit ille, sed quietus  
 Aulas incolit, atherisq; sedes,  
 Et vita fruitur beatiore:  
 Quam nec vis Borea furente flatu,  
 Nec turbat rigidus procella fatus.  
 Ergo lethiferos Adame luctus  
 Secludas animo, Notisq; dones.  
 Sic te post superi fauor Tonantis,  
 Commissamq; tibi regat iuventam.  
 Sic Zbasci superes Abrame longum  
 Sic & Lataly pares amore  
 Et pares animis diu supersint.  
 Ac Drohoionius serenior*

Fato

*Fato currat iter fugacis aui.  
 Vestros deniq; Rex poli benignè  
 Conatus beet: ut plagas reuersi  
 Olim Sarmaticas, decus perenne  
 Et sitis generi & solo paterno.*

Petrus Broderodius Hugocomi-  
 tanus L. C.

Aliud  
 IN EIVSDEM ROSAE  
 INSIGNIA.

*VT ROSA puniceos diffundit MANE colores,  
 Corporis & gratum fragrat ab orbe sui:  
 Cumq; CADIT PHOEBVS, foliorum amittit honores,  
 Nec tamen innati perdit Odoris opes.  
 Sic quoq; MECZINI crescunt à limine vita,  
 Et vigor in Bello Consiliisq; manet:  
 Cumq; animas ponunt, pulcherrima gesta relinquunt,  
 Et nunquam extincto mentis odore scatent.  
 O ROSA Diuinis adiuta caloribus, horis  
 A matutinis brachia pande tua:  
 Et si Vesper erit, fragrantès porridge fructus,  
 Sic tuus aeterno flore vigeat honor.*

Adamus Thobolius.

D 2

HENRI



# HENRICVS STEPHANVS

Adamo Thobolio S. D.

**Q**uam mihi istac iter facienti iucundum fuit, mi Thoboli, & tecum amicitiam inire, & tuos discipulos, optimæ indolis (qualis tam generosos decet) optimæq; spei adolescentes; simulq; tuam in illis instituendis singularem industriam videre: tam triste mihi fuit de vnius morte nuntium. Quum enim haberes Abrahamum Zbasium, Nicolaum & Stanislaum Latalios, Christophorum Meczinium & Christophorum Drohoionium: priorem illum Christophorum nunc non dicis habere te, sed habuisse. Laudo autem quod, quemadmodum bonus præceptor est suis discipulis veluti alter parens; ita tu illi discipulo parentare (liceat enim & parenti hoc verbum tribuere) statueris. Laudo, inquam, hoc tuum propositum: modò videas ne quid nimis: & ne tam honorificæ ac magnificæ sint istæ musarum exequiæ, vt eiusdem honoris desiderio velit cæterorum quispiam condiscipulum suum sequi: & ita luctui iam veteri aut saltem semineteri nouus (quod tamen auertat bonitas diuina) superueniat. Ridebis mi Thoboli fortasse, quum me de tali periculo te monentem audies. Quod si risum elicere tibi potuero, voti planè compos factus fuero. hic enim risus aliquod ab illo diuturno luctu laxamentum fuerit. Verum, ad illas exequias vt reuertar, ego certè in eas asymbolus esse nolui, sed.

sed tria Epithaphia contuli: quæ ad te mitto. Vale. Basilea. VI. Cal. Sept.

Primum Epitaphium est hoc.

**G**loria Meczinys quondam ingens esse volebas:  
Vnde tibi ad sophiam tantus is ardor erat.  
Interea in cælum raperis iuuenilibus annis:  
Atque ardor mortis causa fit ille tuæ.  
Gloria terrestris sic spem sperata fefellit,  
Sed spem cælestis præuenit illa tuam.

En tibi secundum.

**D**octrina sitis huic urebat pectora tanta,  
Vt vellet studijs hæudq; vacare sibi.  
His impallesens, tandem est immortalis isdem:  
Rēs, ad doctrinam hac perbreue fecit iter.  
Nam bonitas diuina illum miserata laboris,  
Est (inquit) iuuenis dignior iste polo.  
Irrita verba haud sunt, post paulo linquere terram  
Cogitur, inq; arcem scandere sideream.  
Ergo doctrina cui tantum riuulus ante  
Turbidus, haurire hanc vnde liceret, erat:  
Limpidus huic eius nunc est fons. vna dat hora  
Plus doctrina, quam hinc tempora longa darent.

Accipe tertium, quod est tanquam ab ipso loquente.

**I**llum ego scelligerum sum iam susceptus in axem,  
Quo spes non fuerat tam citò posse frui.

D. 2.

Multa:



*Multa hic doctrina mihi se mysteria pandunt,  
Se quibus aut dignum dixerit esse solum.  
Qui dolet ergo me sublatum è sedibus istis,  
Tot bona quæis fruor hic, inuidet ille mihi.*

AD VIRVM DOCTISSIMVM

DOM. ADAMVM THOBOLIVM,  
amicum singularem:

**E**Xtrà quòd Patriam moritur tibi, docte THOBOLI,  
Discipulus præstans moribus, ingenio.  
Ac veluti viridi flos immaturus in agro  
Transit, qui longum vivere dignus erat:  
Est durum, fateor: sed Fatum; vincere nulli  
Quod licet: hinc iuuenis virq; puerq; iacet.  
Stat sua cuiq; dies, stat vitæ terminus: ultra  
Qui cupit hanc metam currere, vana cupit.  
Pone igitur questus: requiem concede sepulto,  
Qui nunc æthereæ gaudia pacis habet.  
Felices animæ quæis aut in limine tali,  
Contigit hoc misero tempore summa dies.

T. Philippus Glaserus.

ODE CONSOLATORIA,

AD ORNATISSIMVM DOCTISSI-  
mumq; virum D. Adamum Thobolium Polonum; de  
morte Nobilis ac generosi adolescentis D. Christo-  
phori Meczini, &c. discipuli, Argen-  
tinæ defuncti, &c.

**E**Cquid, THOBOLI docte, perennibus  
Sic cuncta prodest tempora lachrymis

Dicare

Dicare, frustra & flendo tristem  
MECZINII ingeminare casum?  
Illumq; vanis poscere cælites  
Suspensus? qui hac non tibi creditus,  
Parentibus ve, est lege, duram  
Mortis ut effugeret seuera.  
Manum superstes. Scilicet omnibus,  
Quicunq; vitæ munere fungimur,  
Mortalium creti parentum  
Sanguine, mortis iter terendum est.  
Tibi quidem ille, & fratribus optimus,  
Bonisq; multis, flebilis occidit,  
(Flos pulcher arno teu recisus  
Falce cadit) properante fato.  
Spes cum per amplas iam indolis optima  
Rariq; dotes proderet ingenti,  
Patronus olim ingens futurus,  
Atq; soli columen paterni,  
Virtutis illo nullus amantior:  
Non artium quisquam studiosior  
Illo bonarum: vel pelagæ, &  
Ausonia pariter loquella.  
Mores probati pectore firmiter  
Pio sedebant, blandaq; comitas  
Pudore cum sanctoq; verus  
Religionis honos vetusta.  
Quid mentis infracta referam decus  
Robusta firmi membræ corporis,  
Ad on ne quondam sat parata  
Martis onus benè sustinendum?  
Hac cuncta nimirum lachrymabili  
Secum sepulchro flebilis abstulit:

Fratri



Fratrum quibus cum conspulta  
 Spes iacet, & tuum, ADAME, votum.  
 Quid ergo? num tu scetibus aspera  
 Fati valebis iura refringere:  
 Dabisq; defuncto, ut recurrat  
 Ad Superas redinius auras?  
 Illum Deorum concilium tenes  
 Nunc latiore: ipse undiq; flammis  
 Cinctus ministris, telata gaudens  
 Inhabitat melioris aula.  
 Expers doloris, plenag; gaudijs  
 Vbi usq; floret vita recentibus,  
 Humana qua non auris hausit,  
 Non oculis data sunt videre  
 Mortalibus: circumdata terreo  
 Sensere qua non pectora carcere,  
 Hac captat, horum usu perenni  
 MECZINIUS fruitur beatus.  
 Nec magna terrenum atria principum  
 Arcesq; Regum, si foret optio,  
 Praferret illis, regna magnis  
 Des licet accumulata regnis.  
 Mentem ergo edace à sollicitudine,  
 ADAME, tandem fac reuoces tuam:  
 Caeli beatam ne inuidere  
 MECZINIO videre sortem.  
 Dabuntur olim tempora (qua precor  
 Venire tardo sustineant gradu)  
 Cum mole terreni solutus  
 Corporis, aethereas ad arces  
 Latius volabis, CHRISTOPHORVM tuum  
 Visurus almo lumine splendidum, &

Cælestis

Cælestis aula gaudiorum  
 Perpetuo socius futurus.

M. Iosephus Langius Cæsaremontanus, debitæ  
 gratitudinis, obseruantiae & τὸν πρῶτον  
 testificandæ gratia, F.

E P I T A P H I U M  
 G E N E R O S I D O M I N I C H R I S T O -  
 p h o r i M e c z i n i i E q u i t i s P o l o n i .

Sic quoq; tu nobis præbes generose Meczini  
 Argumentum ingens vita breuitatis & aui.  
 Non ita te pridem conspexi corpore firmum,  
 Colloquijs gratum doctis, vultuq; serenum,  
 Motu agilem, studijs alacrem, vitâq; modestum,  
 Virtutis vera & sanctæ pietatis amantem:  
 Nunc de morte tua nostras heu nuntius aures  
 Verberat ingratus, durig; est causa doloris.  
 Te verò, Andrea, laus nobilitatis auita,  
 Exceptit maior luctus, quia fratre carendum est,  
 Qui vestra fuerat decus & spes altera stirpis.  
 Tu Zbasci, & vos Lataly, par nobile fratrum,  
 Tuq; Drohoioni, mœrorem hauritis acerbum,  
 Dum condiscipulum vobis mors abstulit atra.  
 Te verò te præcipuè perchare Thoboli  
 Discipuli cruciat fatum, & dolor occupat ingens.  
 Sed tibi depromo magnas de pectore grates  
 Magne parens, autor vita, regnator Olympi,  
 Qui nobis in morte etiam solatia præstas.  
 Firmiter est omni persuasum tempore nobis,  
 Perpetuo esse quidem tibi nostra negotia cura:  
 Dum nobis huius tribuis primordia vita,

E

Dum



Dum medium regis, & finem das quando lubescit.  
Fortuitò nemo mundi huius prodit in oras,  
Nemo fortuitò mundi huius deserit oras.  
Quin ut non nobis vitales ducimus auras,  
Sic quoq; non nobis vitales linquimus auras,  
Sed DOMINO, qui nos proprios sibi vendicat vni,  
Quos ex hac misera vita, ad sublimia transfert  
Templa poli, quæ nempe electis destinat vni.

Per mortē, quasi per medium, migramus ad astra,  
In quibus æterni datur aspicere ora Parentis,  
Et Christum nostram gestantem cernere massam,  
Et perscrutari reparata arcana salutis.

Hiscæ bonis frueris superata morte Meczinij,  
Hoc nobis tantò felicior omnibus, esto  
Quotquot adhuc terris miserabile degimus auum.  
Sic igitur letho te nobis flemus ademptum,  
Vt tamen æthereas arces gratemur adepto.

Amandus Polanus à Po-  
lansdorff. F.

LVCTVS IN OBITVM  
GENEROSI DOMINI CHRISTO-  
phori Meczinij, &c. Equitis Poloni: Commilitonis  
mei charissimi.

A<sup>H</sup> quem defunctum montes syluæq; loquuntur,  
Pictarum & volucrum garrula turba gemit.  
Quem Charites lugent, luget Themis, ipsaq; Clio,  
Luget Pierij cætera turba chori.  
Et cuius pariter Rhænus, fontèsq; propinqui,  
Et campi & valles ingemuere malis:

Cur

Cur mea musa tacet? cur lumina sicca morantur  
Edere mæstitia debita signa pia?  
Occidit heu nostros non ultimus inter amicos,  
Meczinij, Clarij spēsque decusq; chori.  
Quem seruare sua vel debuit arte Machaon,  
Vel Pallas lachrymis ingeniosa suis.  
Quo vix alter erat doctæ studiosior artis,  
Sincereve magis religionis amans.  
Cuius in ingenua patrij candoris imago  
Mente erat, & mores, cum pietate, probi.  
Multaq; præterea generosa semina mentis,  
Qua nimium ob luctum Musa referre nequit.  
Certè olim fuerat magnus virtute futurus,  
Mens iuueni cui tot dotibus aucta fuit.  
Iamq; bonam patrius de illo spem ceperat orbis,  
Sed mors spem cæptam noluit esse ratam.  
Nec qui dignus erat Pylia par esse senectæ,  
Vita annos potuit bis numerare nouem.  
Sed, quid luctifico gerimus sic corda dolore  
Plena, quid aut mæstos mittimus ore sonos?  
Scilicet æthereas is latus cessit ad arces,  
Dulcia ubi dempto gaudia sine capit.  
Nec precibus, nec iam lachrymis renocabitur ullis  
Invitam hanc, qua mors verius esse queat.  
Nec prius è terra rediit puluere surget,  
Vox illum angelica quàm vocet alta tuba.  
Quare non vanis oneremus questibus auras,  
Vt faciunt verine scia corda Dei.  
Currere sed metam sit nobis mens ad eandem,  
Primaq; ad æthereas cura venire domos.  
Illic rursus erit fas coram cernere vultus  
Meczinij optatos, alloquiòq; frui.

E 2

Cum



Cum DEVS à nostris lachrymas deterget ocellis,  
 A cunctisq; erimus libera turba malis.  
 Ergo, mihi cunctisq; vita memorande per annos,  
 CHRISTOPHORE in Christi rite quiesce sinu.  
 Quasq; damus lachrymas, memorem v' testemur amorem,  
 Quasq; damus tumulo carmina mæsta tuo,  
 Cuncta serenus habet, nunc ô puer addite diuis:  
 Sic cineri tellus sit levis usq; tuo.

Nicolai Latalii.

Opus

IN OBITVM GENEROSI ET NOBILIS  
 adolescentis, D. Christophori Meczini.

MORTVI ANNO.

Beat! qVos In fVtVra Vltâ VoLVIt esse DoMInVs.

Vt superum iussu mortalia lura inlinquens,  
 Sidera Meczini iam subiturus erat:  
 Fortè sub athereis portis consedit Apollo,  
 Venerat, & mæsto suada decora gradu.  
 Fatâq; Meczini flere immatura parabant,  
 Et nimium saua stamina secta minu.  
 Tum Phæbus tristes gemitus à pectore ducens,  
 Imo sic querulos fuit ab ore sonos.  
 Ergo iaces ô chare puer, qui regna paterna  
 Linquens, sedulus huc ad hæc regna venis?  
 Oritur plura Scythicis odisti ignava venenis,  
 Et cane segnitiem peius & angue grauem.  
 Lustret proprio seu Titan lumine terras,  
 Cynthia seu reget candida noctis iter,

Indefessus

Indefessus eras, nec dura negotia mentem,  
 Frangebant, studio peruigilante tuo.  
 Vera tibi pietas, animi tibi candor, honestas  
 Alma, tibi cura, sancta fidesq; fuit.  
 Hinc merito nostra te dilexere sorores,  
 Inq; suo fons docta Minerva sinu.  
 Ast, heu, nunc raperis viridi, puer alme, sub æno,  
 Vincere qui canum Nestora dignus eras.  
 Nec tua te virtus, nec te doctrina, nec artes,  
 Tam fato poterant eripuisse graui.  
 Gaudia quinetiam, nobis quæ lata, ferebas:  
 Unica nunc nobis abstulit atra dies.  
 Abstulit atra dies, planctus, lachrymasq; relinquens,  
 Turba quibus cineres condit amata tuos.  
 Te nostræ doniæ deslent in valle sorores,  
 Tam dirâq; dolent stamina rupta manu.  
 Cultorem amissum deslet generosa virago,  
 Quæ cerebro summi creditur orta Iouis.  
 Te positus deslet Mauors acerrimus armis,  
 Tâq; cito abreptum terra Polona dolet.  
 At tu iam superas conscendens latus ad axes,  
 Gaudia perpetua prosperi atis adis.  
 Nec te iam mundus, nec te mundana fatigant,  
 Non luctus, non te mæsta querela mouet.  
 Gaudia sed carpens nullis peritura diebus,  
 Tempora iam vita prosperioris agis.  
 Quæ tibi ne nimis turbentur fletibus, ora  
 Contineat sua nunc officiosa cohors.  
 Vt tamen aternum Musis tua fama superstes  
 Esse queat, tristes effugiâtq; rogos,  
 Carmina pauca dabo nostrum testantia luctum,  
 Quæ tumulo insculpet nostra camæna tuo.

E 3

CHRISTOPHORI



CHRISTOPHORVS terra quondam spes magna Polona,  
 MECZINIVS vili hac contumelatur humo.  
 Quem procul à patria Musarum castra sequentem  
 Sustulit irata, Parca seuera, manu.  
 Ac tibi qui transis non sit graue chare viator  
 Dicere, MECZINII molliter ossa cubent.  
 Abrahamus Zbascius.

# APOSTROPHE AD VIATOREM.

Cerne ut peruersis Lachesis nos impleat atra  
 Casibus, & latos non finit esse dies.  
 Cerne ut Meczinium, viridantis tempore vita,  
 Subtraxit Musis inuida Clotho suis.  
 Inclyta non virtus, generis non ampla vetustas,  
 Non satum fregit religionis amor.  
 Herbula quid viridans? quid tollens pectoris astus?  
 Quid possit votis mens bona, parca docet.  
 Quamuis ergo adimas ferali numine corpus,  
 Nominus haud sensus inuidiosa adimas.  
 Mentio Meczini nec non preciosior auro.  
 Ipsa rigat pietas, stet sine labe fides.  
 Hinc nos exanimum corpus condamus in urnam,  
 Extremi expectet temporis usque diem.  
 Stanislaw Latalij.

Εἰς αὐτοῦ

# IN OBITVM GENEROSISSIMI adolescentis, D. Christophori Meczini, Equi- tis Poloni.

Armipotens tellus Mauortia me generauit,  
 Vt possem patrie tuius adesse meae.

Artibus

Artibus ingenuis, donec me Alsatia traxit,  
 Parca mihi innocuo tristia fata tulit.  
 Exemplo forsan essem ut tibi candide lector,  
 Mature & discas quo duce mortis iter.  
 Florida non atas, non religionis amores,  
 Non me seruauerunt dogmata Musa tua.  
 Me voluere quidem gentiles Nestoris annos  
 Viuere, me Mater iusserat esse senem.  
 Obstat sed iussus his inclementia fati,  
 Qua bene iam dudum res meditata cadit.

A Christophoro Drohoiouio F.

# VERSICVLI VALVIS CAEMETERII affixi, dum funus ducebat Generosiss. D. Christo- phorus Meczinius.

S Armata Europa gentem de stemmate ducit  
 Meczini, fert qua presenti funere pompam.  
 Absens ipsa quidem, sed miras intimat absens  
 Funere virtutes, & magni nominis artes.  
 Mensis ab Augusti qui traxit nomine nomen  
 Attulerat vix dum prima vestigia frontis,  
 Meczinium postquam ad iura immitissima mortis  
 Buccina poscebat flendi urgentissima fati.  
 Verum quam noster tum mentem pectore gessit  
 Dum sensit verti postrema tempora vite:  
 Num saeva forsan subita vi mortis adactus,  
 Christi vero confessi dogmate cessit?  
 Non: sed me nouus hic moribundo teste subiuit,  
 Occasum modicè qui linguae solueret ardor,  
 Ad superas quo se latus traduxit in auras.  
 Spiritus anhelans nunc habitacula vino

Sanguine



Sanguine qui gessit nobis animata, remigrat.  
 Hunc igitur lato rex cæli suscipe vultu,  
 Donec emigrans rursus calor ossa reuisat,  
 Quæ lata terra depono mente sequestro.  
 Spiritus his dictis superas discescit ad arces,  
 Et tumulo vacuum corpus demente reliquit.  
 Euge quo potius defunctum nomine laudem.  
 Sarmatici primum se magni gloria regni  
 Offert, qua patrias iactaret perbene sedes.  
 Adjunt Meczinia fausto res omine gesta  
 Stirpis: materni clarescit nominis ortus.  
 En maior prodit felicitis notula vita,  
 Recte scholam spectes si & magni nominis urbem,  
 Moribus & studiis ambo que plurima possunt.  
 Ingenij tandem pralucet vinida virtus,  
 Sola suis referens aterna premia vita.  
 Hac patria lucrum, gentili hac stemmate laudes,  
 Hac sibi præ multis varios gessisset honores,  
 Unde ergo versus referat se tanta maiestas,  
 Quæ plenam varijs tam gentem laudibus aquet.  
 Ergo iam gremio matris deposite quiesce.  
 Constitum erat vario sementis germine corpus,  
 Atq; breui largam fecisset tempore messem,  
 Fata nisi immisso rupissent turbine messem,  
 Quam nec porrectis varijs Podalirius herbis,  
 Nec seruare suis potuit gens Sarmata votis.  
 Est animi, fateor, mansueti notio luctus,  
 Vnius alterius secum mox passio ducit.  
 Sed nos nascentem pietas lenire dolorem  
 Iussit, & immodicos terroris tollere fluctus,  
 Ne mouisse magis mortis venientis imago  
 Constet, quàm amissi perdulcis gratia alicui.

Nil

Nil profunt lacryma, memoris plus gratia vita,  
 Quæ tibi postremos hos concinnamus honores.

Christianus Bruno Croppenstadenſis Saxo

APOSTROPHE  
 QVA GENEROSVS ADOLESCENS  
 Dominus Christophorus Meczinski alloquitur  
 fratres atque sorores.

Si generis splendor, si morum lumen honestum,  
 Si flos ætatis, si pietatis amor:  
 Deniq; Pieridum si constans cura sororum  
 Mouissent Parcas, numina dura, meas:  
 Certè dignus eram celebrati Nestoris æuo,  
 Dignus eram properos non subijſſe rogos.  
 Sed quia sic visum est Christo, sic fata tulere,  
 Parendum est vita legibus atq; Deo.  
 Ergo dilecti fratres, charaq; sorores,  
 Cur mærent obitu pectora vestra meo?  
 Vixi, & quem dederat cursum natura, peregi,  
 Virtutum studio vita peracta mea est.  
 Sed ne plura meam vitam delicta manerent,  
 Christophorum Christus duxit ad astra poli.  
 Tempus erit cum me rediuiua carne decorum  
 Luminibus veris aspicietis ite n.

Ioannes Decius Vngarus.

EPITAPHIUM  
 IN OBITVM GENEROSI IUVENIS

Domini Christophori Meczinijs à Kurozvveki, &c.

PRIMA cui casto gestare in pectore CHRISTVM  
 CHRISTOPHORO flagrans cura laborq; fuit.

F

Altera



*Altera nobilibus mundo clarescere factis,  
Et celebres inter nomen habere viros.  
En dum MECZINIVS cupio lustrare Camænas  
Quas fouet Alsatice docta Minerva sinu:  
Me rapit ante diem violentia Mortis iniqua,  
Succidens genij germina pulchra mei.  
ARGYROPE mea busta tenet: tumulatur in alma  
Spiritus, aterna prosperitate, domo.*

Ioannes Turnouius Polonus F.

EPICEDION  
IN OBITVM GENEROSI D. D.  
Christophori Meczinii, &c. Equitis Poloni.

**I**nclita nobilitas & clarum nomen aurosum,  
Si quid honoris habent:  
Si pietas, candor, si morum gratia, vite  
Causa perennis erat:  
Si Musa rigidas possunt huc flectere Parcas,  
Qui sua rura colunt:  
Ingenium si quid, si virtus, mentis acumen,  
Cura, laborq, valent:  
Si quid diuitiæ possunt, si munera, si quid  
Lætæ metalla queunt:  
Deniq, formosum si nil sibi iurus in anum  
Spicula mortis habent:  
Cur tu MECZINI, vitale relinquere lumen  
Cogeris ante diem?  
O lux, ô patria decus, ô pulcherrima summi  
Patris imago tui:  
Dic, quæ te nostri capiant fastidia, quæ te  
Causa sub astra vocet?

An

*An quia pro curis perages ibi gaudia, proq,  
Funere Fœnus ages?  
An quia iam cernis quem degener Arrius olim  
Oderat ille Deum?  
Et quàm sint Christi quondam mansura Gigantes  
Tristia fata, vides?  
Est ita: forma vale, valeant argentea claro  
Pondera læta Tago.  
Ingenium cedat, cedat quodcumq, beata  
Mentis acumen erat.  
Nil mentem, corpusve magis, partâsq, secunda  
Sorte moraris opes.  
Ni velis ligna, Cereris iam fruge reperta  
Glande lenare famem:  
Ni velis atheræa, cum iam spacieris, in arce  
Dona caduca sequi.  
Hic te fluxus honos, illic æterna per omne  
Gloria tempus habet:  
Hic spatium labens, illic tot secula dempto  
Fine beatus agis.  
Hic tibi perpetuis conferta laboribus, illic  
Vita quietis adest.  
Vita quietis adest, qua nil præstantius vsquam  
Totus Olympus habet.  
Hinc te MECZINI non lugeo, lugeo nostram  
Mæstus in orbe vicem.  
Sed tempus tecum quondam cum forsân eâdem  
Sede fruemur, erit.  
Fallor? an hoc qui te dignatur munere, nobis  
Ille negabit opem?  
Interea viuas Christo precor addite, cuius  
Nomen & omen habes.*

F 2

Paruâq,



*Parnaq; quae ferimus functo tibi munera, nostri  
Pignus amoris habe.*

Gallus Rhormannus Transyl. F.

ECLOGA FVNEBRIS,  
IN OBITVM VERE PRAEMATV-  
rum generosi ac doctissimi adolescentis, Domini Chri-  
stophori Meczinij Poloni, iu inclyta Argentinentium  
vrbe sepulti, à Philippo V Valdeckero Gothano  
in humilitatis piaq; recordationis testi-  
monium composita.

INTERLOCVTORES,  
MELIBOEVS ET MENALCAS.

MEL. *D*um petimus muros, ac est via longa Menalca,  
Quia loquimur? citius salices tãgamus ut istas:  
Fare aliquid, nobis & tadia temporis aufer.

MEN. *O* vicine, mones: quae non sine fletibus ausim  
Commemorare tibi: sunt quoq; acerba futura:  
Influxere meo nam grandia vulnera cordi:  
Si non audisti, repetamus in ordine summam.

MEL. *T*riste quid expecto: forsan contagia dices  
Dira tui pecoris; vel pulchri funera tauri.  
Non certè leuis est talis saetura, sed vdos  
Sapè oculos reddidit: naufragia fecimus ipsi.

MEN. *P*rosequor haud illud lachrymis: licet accidit illud  
Nobis: atq; gregem strauit durissima pestis.  
Quod queror, est aliquid grauius: nam spicula mortis  
Consofieri hominem: proh quanta potentia mortis?  
Qua quoq; non teneros iuuenes lactare veretur:  
Et iuuenis, anni quorum prodesse viriles

Possent,

Possent, at insigne suae decus addere stirpi.  
Heu, heu, fata trahunt omnes discrimine nullo:  
Vtq; armenta gregi lanio, taurisq; iuuentos  
Misset, vitrorumq; & iugulum mucrone resoluit:  
Sic quoq; mors horrenda rapit iuuenesq; senesq;  
Et simili ferro (miserabile) conficit omnes.  
Quod non plorarem: stolidos si colleret: aut qui  
Nulla videbantur latere commoda vitae:  
Optima pars hominum semper conuellitur ense  
Parcarum: reprobis perit unq; stat amplior aetas.

Nel nisi quod verum est, dicis, comes optime, verum MEL.  
Non sic nos agimus, quando versatur in hortis:  
Aetate exelas consuevit cadere ramos,  
Aut quos desperem factus dare posse per annos:  
Quamprimum miserum video marcescere truncum,  
Brachia vel trunci viridanti fronde carere.  
Huic minor exitum: si non correxerit illos  
Defectus, meritis excindo bipennibus: at si  
Stirpem aliqua non nostros non fallere sentio cultus,  
Qua; sub autumnum pomus flexura videtur  
Innumerabilibus ramis, & onusta futura est  
Hanc amo, & hanc curo: ne noxia bestia rostro  
Ladat eam, caueo, damnosa cuncta repello.  
Inprimis autem, cum stirps est illa tenella:  
Viuat, & in summas pulchrè caput erigit auras:  
Ligna nouellarum conseruo: senilia perdo.  
Quo nobis huius claudit pomeria mundi  
Mortuus mos nimium praeposteris esse videtur.  
Sed quem confossum dicis per spicula dicta  
Mortuus? an ex huius quendam magnatibus urbis?  
An verò ex catus nostri pastoribus vnum?

Ex his non vllum noui cecidisse: sed illum

MEN.



Lugeo, qui quondam magnates inter haberi  
Debuit, & summus Phœbeo rure futurus  
Pastor erat, iuuenem verè doctūq; piūq;  
Nomine MECZINIVM, generoso stemmate natum,  
Quem tenosse puto, nam sæpè intrauimus ades,  
In quibus ille fuit: memini: frumenta uehebam,  
Æstate elapsa, ciuili debita mense,  
Et tu me cum aderas, aderat vicinus & alter:  
Vidimus attoniti iuuenem, iuuenisq; Camænas:  
Sedit, & in libros pronus collegit ubiq;  
Doctrina cumulos, Latij Grayq; peritus  
Sermonis: pura constans pietatis amator:  
Hospes virtutis: morum studiosus: & omnis,  
Quod facit ad mentis dotes, sectator honesti.  
Obstupui, quoties tam dona senilia vidi  
In iuvene, atq; eius patriæ sum fausta precatus.

MEL. Nescio quem dicas: an non intelligis illum,  
Terra Polonorum nostras quem misit in oras?  
Quiq; viam carpsit per colles eminus istos,  
Quorum summa vides vix hic fastigia tantum.  
Est domus in muris: illic, ubi Curia Fratrum,  
Non procul à summo templo, latissima pandit  
Limina, sacratis Regum depicta figuris.  
Fallimur? an verè tectis habitauit in istis?  
Credo equidem: vixi namq; hordea sapius illuc,  
Nec raro tauros trabibus subduximus istis.

MEN. Est ita: viuebant alij quoq; quattuor iisdem  
In laribus iuuenes, sub eodem sole creati,  
Et simul emisi patrum florentibus aulis,  
Fontibus Aonijs ut plenius ora rigarent:  
Turba, simul patriam, simul hoc splendore Lycaum  
Irradians magno: tanta virtute nitescent.

Ah

Ah quàm concordēs pacem coluisse feruntur:  
Ordine quàm pulchro sanctos adijisse penates  
Palladis, ac auidè dictos hausisse liquores.

Ipse semel vidi, (casu versabar in vrbe)  
Vnanimi gressu Musarum tendere ad arcem  
Illos: ut vidi, mecum sic ipse loquebar:  
Diuini pueri: campos liquere paternos,  
Atq; huc venerunt per mille pericula forsan,  
Artibus ut possent alios & vincere linguis:  
Iamq; in eo sudant, nullos fugiuntq; labores,  
Otia sed fugiunt, quorum conceditur vsus  
Nullus in his tectis, ad qua properare videntur,  
Sic illos tacitè mirabar, & aurea fata  
Optabam studiis tam fausto sydere cæptis.

Iam verò eripuit socium mors horrida: & illum  
Non solum eripuit viuis: (dolor hic sat acerbus)  
Sed quoq; crede mihi, totis natalibus aruis,  
Ut qua expectabant ad magna negotia, & illum  
Sperabant patria lumen columenq; futurum.

Hec mihi, quid dicis? commertia tanta fuisse  
Rupta per inuisam mortem? nec gratior atas,  
Nec pia sedulitas tam ferrea spicula fregit?  
Credo tamen, duras, fatalia numina, Parcas  
Non lachrymas tenuisse suas, cum fila secare  
Deberent tanti iuuenis, fundamina vita  
Qui sic extruxit, reliquis ut posset in annis  
Nominis excelsas educere ad astra columnas.

Sed tamen, in fati CHRISTI, sua fata subiuit,  
Atq; fide inuicta pugnam superauit agonis:  
Dicitur in morbo summa virtute tulisse,  
Si quando inciderent duri tormenta laboris:  
Sæpeq; suspirasse polos, animaq; relicta

Deniq;

MEL.

MEN.

MEL.

MEN.



Denique sine bono vitam clausisse caducam

MEL. Qui sic expirant, scimus vicine Menalca,  
Vinere, & antè DEVM caelesti sedere reponi:  
Atq; ibi lucidiùs cunctos lustrare thesauros,  
Quos hic in tenebris saltè quasi acumine laeso  
Cernebant, sancta tot sunt bona maxima mortis.

MEN. Nec mihi id est dubium, quin iam sit in arce receptus.  
Aetherea hic inuenis, teneatq; sedilia summi  
Gymnasi, quod voce sua bene personat ipse  
CHRISTVS, & angelicus prasens exercitus audit  
Idq; satis docuit pulcherrima pompa, cadauer  
Qua fuit in terras sanctumq; cubile relatum:  
Quando obitum plorans longissimus ordo virorum,  
Visurrecturi testis, fuit urbe secutus:  
Accinxere pium carmen pia turba canentum:  
Atq; locum caelo pastor primarius urbis  
Certò promisit longo sermone sepulto.

MEL. Quid nì promittat, qui tam benè munera vite  
Gessit in his terris: & qui baptismatis vnda  
Lotus erat, semper CHRISTIq; ardebat amore.  
Tutibus haud aubiè caeli stat ianua aperta.  
Sed quis ad agnatos plangor luctusq; redibit?  
Cùm dicetur eis, extinctum morte iacere,  
Et patriam inuenem non posse reuifere dulcem,

MEN. In mentem reuoca: quàm tristia corda futura  
Sint tibi, si frater, peregrinas missus ad oras  
Occumbat ietho: quamuis sit rusticus ille,  
Et queat haud tantas animo proaucere dotes:  
Scire tamen poteris, quantis macroribus illos  
Nuncius afficiet fratrem qui dicet ademptum.  
At tamen in mentem venit: quod mortuus omni  
Iam vacet aru. na, mundoq; ereptus iniquo

In patriam aetherea tutus migrauerit urbis:  
In quam si veniat, quis non velit exul ab isto  
Esse solo, primas in quo perceperit auras?  
Sed iam permagnum pedibus confecimus aquor,  
Et mihi, dum loquimur, longe decedere visa  
Multa via, quamuis carmen funebre locuti.  
En sumus ad portas, per quas intrare solemus.

MEL. Certè spe citius huc nos prouexit ab agris  
Hic sermo nostris: grates tibi dico, Menalca,  
Quod mihi colloquio fastidia tanta leuaris:  
Ast inueni vita funèto precor astra, quietis  
Aeterna sedem: viuis precor optima quaq;.

Hac etiam est mea mens. Sed iam te relinquere cogor, MEN.  
Atq; in ciuili mea obire negotia turba,  
Ergo vale, inq; tuo nostri memor esto regressu.  
Tu quoque sis saluus: meq; expectabis ad istos, MEL.  
Quos cernis, colles: ibi iuncti plura loquemur.

Distichon continens annum, mensem,  
& diem mortis.


ALTERA In aVgVsto Cessabat VIVere LVGe  
MeCzInIVs: CæLo regna CVpIta tenet.

### ALIVD.

Palladis ad celsam dum tendo Mecinius arcem,  
Commoda sic patria dulcia vt inde feram.  
Prærupti montis supero dum latus eundo  
Radice, cadit stamina Parca: cado.

Andreas Voidouius Polonus.





Generosæ stirpis adolescenti

**D. CHRISTOPHORO**  
**MECZINIO AC VROSVVEKI,**  
 HÆREDI IN KLVVOVV, equiti Polono,

**Argentinae in castris Musarum**  
 vita functo, intra adolescentiæ annum XVIII.  
 Anno 1590. 1. August.

**ADAMVS THOBOLIVS**  
*suo disciplinæ alumno*  
 M. P.

**Obseruantiam suam in Meczi-**  
 niorum familiam non minus vetusti, quàm celebris  
 (heroicarum virtutum ergo) nominis  
 testari volens.

**M**ECZINIUS fueram: genuit me SARMATIS Ora:  
 Dumq̃ lito Mulis: en teger ARGYROPE.  
 Scire

Scire cupis tempus? Terrestria tecta relinqui,  
 QVando MhI AVGVSTI LVX prior orta fVlt.  
 Ipsa tamen Virtus viuax manet: astra Fides dat:  
 Sic mea mi Lector, Funera morte carent.  
 Te quoq̃ si pariter terrent vestigia lethi,  
 VIRTVS ATQVE FIDES SINT TVA SCVTA: vale.

Annus  
 Mensis  
 & Dies  
 obitus.


**FINIS**






THE  
LIBRARY OF THE  
MUSEUM OF  
COMPARATIVE ZOOLOGY  
AND ANATOMY  
HARVARD UNIVERSITY  
CAMBRIDGE, MASS.

PLATE









Hist. Polon.  
C. Mifcell.



